

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI



Služba za upravu društvenih djelatnosti,
pitanja boraca i opću upravu

Broj:

Dana: 17.10.2022. godinu

Na osnovu člana 10., 11., 12. i 38. Zakona o pravima demobiliziranih branilaca i članova njihovih porodica („Službene novine FBiH“, broj: 54/19, 29/22), člana 13. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06 i 51/09), člana 10. i 15. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022) i člana 25. Statuta Općine Zavidovići („Službeni glasnik Općine Zavidovići“, broj 5/2008, 5/a/2008 i 11/2019), Gradsko vijeće Zavidovići na _____ održanoj _____ donosi

ODLUKU
o pravima demobiliziranih branilaca Grada Zavidovići
i članova njihovih porodica

DIO PRVI – OPĆE ODREDBE

Član 1.
(Predmet Odluke)

Ovom Odlukom utvrđuju se prava, način, uslovi, kriteriji i postupak za ostvarivanje statusnih prava i prava na novčane pomoći, naknade i subvencije demobiliziranim braniocima sa područja Grada Zavidovići propisanih članovima 10., 11., 12., 35., 36. i 37. Zakona o pravima demobiliziranih branilaca i članova njihovih porodica („Službene novine FBiH“, broj: 54/19 i 29/22), koja će se ostvarivati putem nadležnih službi Grada Zavidovići, uz finansiranje i subvencioniranje iz budžeta Grada Zavidovići u skladu sa planiranim sredstvima u budžetu Grada Zavidovići.

Član 2.
(Značenje termina)

(1) Termini koji se koriste u ovoj Odluci imaju sljedeće značenje:

- a) Demobiliziranim braniocem, u smislu ove Odluke, smatra se pripadnik Armije Republike Bosne i Hercegovine, Hrvatskog vijeća obrane i policije nadležnog organa unutrašnjih poslova (U daljem tekstu Oružane snage), koji je učestvovao u pripremama za odbranu ili u odbrani Bosne i Hercegovine u periodu od 18.09.1991. do 22.04.1996. godine minimalno godinu dana, pod uslovom da ne postoje okolnosti iz člana 36. Zakona o pravima branilaca i članova njihovih porodica („Službene